

影印
文淵閣

四庫全書

影印

文淵閣四庫全書

第一二五一冊

北京出版集團公司
北京出版社

本冊目次

青谿漫稿	康齋集	樓居雜著	野航詩稿	野航文稿	野航附錄	一峯文集
------	-----	------	------	------	------	------

明倪岳撰……………一	明吳與弼撰……………三五七	明朱存理撰……………五九七	明朱觀潛輯……………五九七	明羅倫撰……………六二九
------------	---------------	---------------	---------------	--------------

欽定四庫全書

集部
青谿漫稿
目錄
卷二

詳校官編修_臣李堯棟

中書_臣劉源溥覆勘

總校官庶吉士_臣何思鈞

校對官中書_臣范鰲

謄錄監生_臣朱錫彤

欽定四庫全書

集部六

青谿漫稿目錄

別集類六
明

卷一

賦

辭

樂府

卷二

七言古詩

欽定四庫全書



青谿漫稿
目錄

一

卷三

五言律詩

五言長律

六言律詩

卷四

七言律詩

卷五

七言律詩

卷六

七言律詩

卷七

七言律詩

卷八

七言律詩

七言長律

卷九

欽定四庫全書

青點漫稿
目錄

五言絕句

七言絕句

詩餘

致語

卷十

經筵講章

卷十一

奏議

卷十二

奏議

卷十三

奏議

卷十四

奏議

卷十五

頌

欽定四庫全書

青點漫稿
目錄

表

贊

箴銘

卷十六

記

卷十七

序

卷十八

序

卷十九

序

卷二十

書

說

題跋

策問

欽定四庫全書

青箱漫稿
目錄

四

卷二十一

碑

神道碑

卷二十二

墓表

墓誌銘

卷二十三

墓誌銘

卷二十四

傳

哀辭

誄

祭文

臣等謹案青谿漫稿二十四卷明倪岳撰岳

字舜咨由錢唐徙上元中天順甲申進士歷

官吏部尚書贈少保謚文毅事蹟具明史本

欽定四庫全書

青箱漫稿
目錄

五

傳岳父謙官至南京禮部尚書明代父子入

翰林俱有文集傳世者自謙岳始岳敏而好

學居官不徇名譽銓政平允與王恕彭韶等

俱為孝宗時名臣史稱其為禮部長貳時禮

文制度率待岳而決論事未嘗苟同前後陳

請百餘事軍國弊政剔抉無遺疏出人多傳

錄之今集中疏議共五十九篇與所謂百餘

事者不合疑刊集時已有所刪擇然如正祀

典陳災異及論西北用兵諸奏皆建白之最
大者已具在其中所言簡切明達得告君之
體頗有北宋諸賢奏議遺風他文亦浩瀚流
轉而不屑為追章琢句之習蓋當時正人在
位為明治極盛之時故岳雖不以文名而乘
時發抒類皆經世有本之言如布帛菽粟之
能切於日用亦可知文章之關乎氣運矣乾
隆四十三年五月恭校上

欽定四庫全書

青谿漫稿
目錄

六

總纂官臣紀昀臣陸錫熊臣孫士毅

總校官臣陸費墀

欽定四庫全書

青谿漫稿卷一

明倪岳撰

賦

楨陵雪霽賦天順辛巳

楨陵之為地乃宣平之故疆居帝京之北鄙當朔漠之
中央為十九衛之都曾羌百萬姓之保障池之深兮削
數仞之峻岸城之堅兮連萬雉於高岡實國家之藩屏

欽定四庫全書

青谿漫稿
卷一

邊陲之禁防者也予親罹患遠謫於斯歲月云邁裘葛
兩移逝冉冉其秋候届烈烈之冬期顯帝主令元冥布
威日雖可愛寒則已祁惟十月之載廿正小雪之應時
訝滕神之一駕俄濃雲之四垂風聲颯兮凜冽日色慘
兮蔽虧天地復混沌之始乾坤張醞釀之機犬吠於戶
雞栖于埭是則天時之向暮而雪意之先施者也頃之
雲既同風始息一白呈祥六花如席玉龍敗而飛鱗鹽
虎卧而留跡光搖搖兮撲簾而下聲簌簌兮緣堦以積

萬里飛璫頃刻盈尺予方擁布褐以高眠覺天地之為窄既而鐘聲遠度雲影漸開驚鯨角之一奏俄旭日之東來既晴景之可愛仍吟興之滿懷於是登鎮朔之樓俯凌雲之檻驚萬物之不緇縱六合于一覽以言其遠也則洋河東逝白虹逶迤燕然南峙王戟參差望飛狐之口兮眇琳瑯之委籍顧長城之壘兮積琬琰之崔嵬雲中居其西兮皎白雲之縹緲龍門居其東兮粲素練之離披以言其近也則粉堞櫛比而有耀鴛瓦鱗次而生妍銀為城兮闢重門以若璧玉為道兮夾萬井而如弦是以三農鼓舞於窮櫺之下莫不占其為大有之年也嗚呼是胡為乎然哉蓋是雪之降既當小雪之節且值臘前之候后土以之而潤澤宿麥因之而暢茂蝗種滅兮誅遺育於泉壤民疫蠲兮獲生全于宇宙衣食遂于飽暖田疇易于耕耨則夫是雪以時而降得非佳瑞自天而授者乎然而撫玩既久寒威轉惡眴旅舍以來歸慨朔風之如割遂呼肴命酒舉觴獨酌圍紅爐擁厚

貉俯仰無拘襟懷恢廓睹豐年之有徵心烏得而不樂哉酒既酣乃捧腹而為之歌曰楨陵兮邊城羽檄停兮時昇平豐年呈瑞兮達旦而晴諒聖德之所致兮非一言之可名

耕藉田賦 二月十六日內閣試題

臣聞藉者蹈藉也人君躬蹈于田也或曰藉者借也借人力以終之者也蓋人君事神明勸農務禮之不可缺者焉粵昉于周有典有則然再于漢昭廢于晉惠禮其紊矣開元肆赦端拱錫爵禮其瀆矣爰稽舊章夫何足取之肆惟聖皇以即位之明年改元成化採春分之令辰舉耕藉之大禮誠有以超往古而軼成周者也臣叨職明時躬逢盛美望朱紘之光聽鑾輅之音雖無雅頌之才以繼載芟良耜之作然宣鴻勛推明效竊有志焉謹拜手稽首而獻賦賦曰

欽惟皇明受天休命我高祖乃御神龍而奮飛感民心之不應揮天戈而九鼎歸一戎衣而四海定於是創制

立法叙禮和樂廼輯民生廼求民瘼式命耆宿朝以望
朔天顏俯臨誨諭諄恪念無逸稼穡之難考周禮天官
之制而耕藉之禮所由以作也欽若太宗宣光重離極
類網以復振撫皇運以雍熙穡事惟重憲章是稽昭皇
章皇善繼于茲英宗當天務農不遺亦有事于千畝嘗
輟勤于萬幾迨我聖皇紹統率舊不愆鴻恩滂漉海隅
覃延大明重熙成化紀元王正之吉禮崇祀天乃追五
朝之著令開千畝之藉田維時仲春土膏脉起東作方

欽定四庫全書

青
龍
漫
稿

四

興宜事疆理帝乃御前殿頒睿旨將順時以勸耕舉先
農之祀禮先期致齋省心潔已於是冬官撰播殖之器
則維耒維耜其製孔嘉維朱其柄維金其牙烜赫巧麗
流耀生華錦衣列鹵簿之駕則越象重寶宛馬玉輅羽
旄連空旌旗拂露飛蓋方圓執戈上下肆續紛而雜沓
備乘輿之服御維彼圉官耕犢謹飼角端領厚首巨形
魁飽以芻粒絡以青絲俟當舉趾驅馬以隨若乃師旅
列衛都門戒嚴萬騎駢駐兵矛利鉞京師警肅聳乎真

瞻是日也雞鳴告晨尚衣盛服免視朝于百辟迎扶桑
之朝旭帝乃出宮時暄景淑於是駕蒼龍遵皇衢士女
快觀臣工奔趨貌貅雷動而方駟驂騮魚麗而前驅和
鸞鏘鳴劍佩陸離亦曰至止維田之墟駐皇轡以歷覽
睠畎畝之有制溝洫決乎四同疆場連乎無際町塍基
布原隰鱗次甫縱觀之方周俄陳滌之已備觀夫巍巍
青壇築之東方奠裸既列執事雁行帝乃御袞冕鏗珩
璜秉圭璧將幣筐以享以祀維牛維羊精誠通乎冥冥

欽定四庫全書

青
龍
漫
稿

五

雅樂奏乎洋洋冀先農之啟格祈我田之既臧神曰不
留雍徹以退帝降靈壇乃撫御耒耜轅既駕黃縚斯委
青原倣載沃壤維融司農陳青箱內宰奉秬種民耆相
犁以先邁司徒執策而後從乃舉玉趾乃披蒙茸澤澤
其耕南畝之中我疆我理必親必躬展盛禮于三推效
勞役于九農雖禮官之告止羌千畝之願終載登于門
于焉以憩侏儒効能乃陳百戲同斯樂于臣民召至和
于天地爾其三公肅事九卿駿奔庶士御事進趨惟勤

而五推九推之禮於是乎行焉庶民子來喜色忻忻樂于趨事荷鍤成雲而終畝之績於是乎成焉羣臣輟耕帝心垂眷乃臨齊宮勞之以宴良醞瀉乎黃封大官供乎玉膳陳振鷺之萬舞奏鈞天之九變歌在鎬之豈樂申既醉之祝願禮成宴罷鳳駕回鑾彌文闕典千古幸瞻其盛德大業實所以立生民之命而騰萬姓之歡者也若乃黍稷或豐年穰穰是割是穫乃積乃倉精粢以供粢盛芻藁于以餉犧牛或奉天地之獻享或備宗廟之烝嘗肆昭假于上下惟降福之皇皇綿子孫于不替延聖壽于無疆臣嘗聞之周之立國本之於農后稷粒生民以開基公劉篤前烈而繼功文王九一行於岐豐武王有藉諸侯朝宗成康繼立越在幼冲方作詩以深勅重嗟嗟于臣工駿發爾私噫嘻勉終四夷賓服海內時雍藹泰和之盛治致比屋之可封於惟聖朝與周方駕列聖相傳一德流化帝初嗣服首務躬稼抑工商之末業興農作於穠樞於戲盛矣哉嗟夫五禮之事惟

欽定四庫全書

青箱漫稿

卷一

祭為大用已力於勤勞薦神明以醴醕固有以昭孝誠致明賚矣然而萬民以勸稼穡是親棄耒反本法于一人則田無閒曠之地國無遊惰之民帛幾幾以在笥粟陳陳而相因由是衣食之計足廉恥之心生風俗由之而歸厚禮義于焉而聿興會極歸極蕩蕩平平民日懷於遠法治益臻于措刑若乃叶氣融液蒸為休祥景星耀而泰階平玉燭調而卿雲光麒麟遊于郊藪阿閣巢乎鳳凰器車在山醴泉可觴則億萬斯年臣有以知皇

欽定四庫全書

青箱漫稿

卷一

巍巍赫赫百世其傳兮

炎暑賦內閣試

作噩之歲六月既望余退自公朝假憩玉堂有客從余而登焉余乃喟然歎曰皇天平分四時兮夏隆赫而當陽時生育以長養將既阜而既昌羌振威以肆虐物胥焉而用傷揆薰煊之所由知孰司其崇綱炎帝降兮乘離紛巍巍兮執衡前燭龍使先驅兮後熒惑使從行叶羲和攬轡以雜進兮驂回祿與畢方火旗獵獵以當空兮傘焰焰以高張獨丹鳥彌節而後殿兮白日之彌長使豐隆玄冥屏氣而不得伸兮何飛廉之顛狂飛塵隘

欽定四庫全書

青箱漫稿

八

土井泉竭縮鱗卷鬣蛟龍藏沙石兮銷鑠草木兮枯黃山延熾焚以凝烟兮水洶湧其如湯盡六合以為爐兮豈獨炎乎崑岡委藉乎殷紫蕪蕪穢之紅芳詬締給以為重兮豈天時而不當揮霜紈而脫余腕兮何仁風之可揚緬河朔之嘉會兮思解釋乎冠裳拊煩襟而太息兮汗汨汨以翻漿晝既蒸炊之如甑兮夜復蚊蚋之在房顧何以寧吾軀兮寒余熱乎中腸吾將東浮于滄海兮棹溟渤而擊空明叶嗟扶桑為日之出兮更酷烈而無

所藏吾將登崑崙之絕頂兮窮天上之銀潢折玉井之蓮葉以為舟兮駕清風于一航恨不得假羽翰於兩腋倏忽舉身而西翔顧南溟之可泛兮又瘴毒之非常焉跼跼以下視兮援湓死以流亡吾聞陰山積水之可鑒兮步余馬於北荒何地皮燠烈凍鼠渴鬼方暍死空邊疆東西南北皆不可以往兮禹方之廣徒茫茫夫維木天之與壇兮寔冠絕乎帝鄉崇垣繚以畢兕兮長河繞以汪洋比萬乘之武庫兮面萬雉之宮墻花雜樹之百

欽定四庫全書

青箱漫稿

九

卉兮槐周植以千章布佳蔭于館閣兮含笑語之微涼夏炎暑之去避兮豈康娛而自忘曲肱枕以高卧兮渺夢揖乎羲皇顧此之可樂兮又何必遠遁而奔忙快矣哉客之適兮又孰知余樂之未央客起而正色曰是非余之所知也夫陽極而暑炎矣皇天道之孔昭故曰萬物並生於天地豈余身之獨遭任寒暑之自然兮成歲功而不勞歐陽公暑賦而子亦物耳胡病此而嗷嗷且天下食力者衆豈盡閒逸如吾曹彼菑畬之田父兮冒烈日

之熬熬挽泉流以下灌兮聲密連乎桔槔手耒耜而戴

笠兮肆蓑蓑以立苗幾垂氣而不蘇兮又奚啻爆燄而

灼爇或牽牛以服賈兮賸征途之迢迢既炎壤之若燎

兮又逆旅之無聊方駕言以行邁兮曾不計夫銷骨而流

膏若乃邊關戍卒稱干立旄夕枕藉乎金革兮朝並驅

乎兩徂想敵夫王之憤兮而擬絕乎天驕日擾擾而不

得息兮徒哀鳴以警警嗟露處之鬱蒸兮益心曲之如

燒彼秉忠以圖報兮雖炎暑其亦何逃予徒食祿亦何

補兮重清職之逍遙舍民困之弗恤兮而欲據此以自

豪余肅然而興愕然而駭顧無詞于復客乃作歌以自

解歌曰維時長夏兮極炎暑人之靡寧兮汗如雨嗟余

鬱鬱兮困不蘇仰捫皇天兮獨號呼南薰一奏兮發幽

韻阜民之財兮解民愠天心聿昭兮聖躬勞四輔弼成

兮勤燮調亢陽隱伏兮鮮飈鼓清音均溥兮過寰宇功

及物兮祥氛清陰陽循環兮以常行余竊職以何為兮

惟詠歌乎昇平

欽定四庫全書

青箱漫稿

卷一

辭

望雪辭

內閣試題

夫何玄冥雨雪之愆期兮羌有失於天職雲何為兮不
同霰何為兮不集悵仰天而馳望極余懷之鬱悵風不
凜兮淒其氣不嚴兮烈栗何顓頊之不廉兮奪彼陽春
之煦日照日兮融融念匪春兮伊冬賸連雲兮宿麥及
在地之遺蠶苟一雪兮有靳曷由致兮年豐年不順成
兮曷怙札瘥多兮沴氣布步璿衡以推測求蒼天之何

欽定四庫全書

青箱漫稿

卷一

故天漠漠兮莽無垠目渺渺兮徒傷神嗟三農之渴想
何滕六之不仁冬之日兮苦短節序邁兮非緩恨不得
起逝波于銀潢煩此天孫之一剪天與民兮情自符德
潛感兮非我誣况歲臘兮尚遠更聖皇之馭圖將天心兮
上格驅豐隆兮命風伯霏繽紛兮素英大雪降兮三白
跂予兮望之盡六合兮登春熙承上天之嘉惠皆吾皇
之恩私

白雲辭

寅友謝先生鳴治謂余曰鄉人趙廷時讀書

好古善吟咏居樂清海濱其地曰花塢花塢

之山自雁山延迤而至海岸東行杳然如入

無人之境因扁其居曰白雲深處且稱其頗

好知音非草草者要余為白雲之辭以發其

山中之趣遂為之作短辭三疊填其卷尾云

白雲兮英英渺雁山兮深谷顧縈紆兮芳林忽舒徐兮

前麓聊棲遲兮終歲何高軒兮華屋列圖書兮壺觴日

欽定四庫全書

青箱漫稿

卷一

吟嘯兮相屬謇山中兮樂只望美人兮幽獨

白雲兮悠悠睠花塢兮少留時逍遙兮採芝羌窈窕兮

經丘獨行無友兮吾將安求出與雲俱兮歸與雲游鳥

交交兮鹿呦呦原可田兮水可以舟謇山中兮樂只望

美人兮獨幽

白雲兮翩翩海之湄兮山之巔煮溪中兮白石酌屋上

兮清泉嗟清時兮嘉邇信夫君兮獨賢紛華俗兮超忽維

白雲兮周旋謇山中兮樂只望美人兮悠然

忠愛廟迎送神曲

福汀忠愛廟在郡東龍山之麓祀故推官謝

侯汀以正統己巳有寇賊之擾侯極力捍禦

又原其脅從者縱遣之因卒于軍中民思其

德為請于朝立廟祀之其子翰林學士大韶

求詩以祀為作迎送神曲

南風來兮汀水波蒼龍伏兮鬱嵯峨簫鼓喧兮廟門啓

伺吾侯兮山之阿孔蓋張兮振翠珂旌旆還兮軒從都

欽定四庫全書

青箱漫稿

卷一

侯治汀兮政不頗犴狴清兮布陽和汀民擾兮侯荷戈

活汀民兮侯功多報功有祀兮頌德有歌願終惠兮永矢

弗他

青山隱兮龍欲翔汀谿澄兮南風涼幸侯至今設侯床

蕙轂蒸兮薦椒漿侯神遊兮橫八荒民德侯兮何時忘

侯之生兮嶽降祥享汀祀兮紛洋洋侯有子兮步玉堂

握文魁兮挾天章侯之來兮時雨暘侯之去兮降福穰

雲輶遠兮不可望願終惠兮傳無疆

瀛洲別意送賓之

賓之既得請南歸諸友咸出祖東郊而惜別
之意形之詩聲者甚富余不揣聊述短詞歌
以侑觴深愧其辭之拙也

春風起兮潞水瀾瀾蘭棹發兮揚桂旗悵美人兮懷歸
往送之兮水之湄雲娟娟兮連延柳嫋嫋兮蕩綿望美
人兮高翔策余馬兮空還君山兮青青下中流兮沂洞
庭君歸來兮故國撫楸梧兮嬰情我思君兮悠悠閭闔
欽定四庫全書
青船漫稿
卷一
十四
開兮倚清秋承后皇兮嘉惠君之來兮不可以淹留

樂府

中秋大雨無月作嫦娥怨時會陳師召宅

憶自奔歸月宮裏來往東西若流水崖前丹桂千度花
海底魚龍幾回死年年獨守廣寒宮玉殿瓊樓相映空
美人悠悠懷永夕孤影眇眇臨悲風泣血號天目欲瞽
豐隆礫雲送寒雨淨洗鉛華入素秋始覺孀居心轉苦
瑣窗聽雨度寒宵擬藉芳樽酬寂寥空慚偷得長生藥

此日清魂誰為招

元宵會吳鼎儀宅分得將進酒

將進酒黃金盃東風搖蕩春歲蕤清宵對此燈燭輝明
月皎皎當中閨將進酒夜未央日月逝矣嗟流光年時
感此雨雪狂美景不及今晨良將進酒一再行醉來爾
汝俱忘形交分藹若弟與兄豈直傾蓋論平生將進酒
伐木詩倚歌而和心孔夷我雖不飲強倒卮永懷白首
同襟期將進酒君莫辭

欽定四庫全書

青船漫稿
卷一

十五

五言古詩

題竹石

湘江不可渡披圖開我心萬玉倚晴碧彷彿湘山陰清
商聳毛髮蒼雪何蕭森霜寒白石瘦林迥青烟深危梢
拂層巘遠黛迷孤岑泠泠發天籟悠悠引鸞音幽貞良
足娛密蔭還相臨懷哉冰雪沍挺挺紛難侵佳境渺在
望何當遂招尋臨風意無限因之感微吟

晴簷聞鵲

晴日煦而麗脩簷下輕風維鵲肆搏擊上下虛庭中奮然各賈勇喧呌若爭雄一或寂垂翅奔敗潛無踪一或奮翼起氣勢摩蒼穹得失果何在角力徒自憊微物尚知競人心將焉窮覽之增餘悲回首雲天空

題蘭四首寄浦城故人潘醫學廷瑞

猗蘭在空谷蕭蕭汎幽香白石與偕處翠篠時在傍寂寞意不失塵俗已相忘但惜無人知徒然負孤芳

猗蘭在空谷幽人時採之采之結為佩將以遺所思楚

欽定四庫全書

青衫漫稿
卷一

十六

水有餘波湘纍有深辭孤貞諒自保白首以為期

猗蘭在空谷托根竇以深羣然伍衆草水石自蕭森宣

尼既云遠千載無知音臨風發長嘯聊以動微吟

猗蘭在空谷歲蕤粲玉芳對此懷故人眇然天一方安

得遠相過擊柝下沅湘歲寒結深契遺余雙鳴璫

上已會尚質宅時雨雪交集得日子

四時有更謝逝者一已疾冉冉暮春至和風轉陽律感

子共寮案歡會聊暇日宿雨朝未休途潦莽四溢躊躇

立前庭恐茲節序失駕言策駕馬西瞻子雲室高樓殿

雲漢良朋三與七逍遙綜壺奕談笑散書帙勝負誰為

謀詆諧不可詰舉爵長簷下移榻更促膝酒酣氣益雄

憑闌撫吟筆西山涵暮景峰嶂眇皆翠東園桃李花繁

華互蒙密四顧盪心胸默默意已悉山陰極清賞遠駕

亦起軼幽鳥林外歸新月雲間出頽然忽復醉觴咏信

非一携手各辭去娛樂難具述顧茲交分情豈云甘縱

逸朝陽倚桐樹可以成琴瑟苟無樸斲勞終為負嘉質

欽定四庫全書

青衫漫稿
卷一

十七

人生俯仰間飄忽等郵駟緬懷用世心劬勞那足恤但

惜千載前古道有殷率壯志共相勉老矣徒唧唧

題鮮于困學士遺墨

皇頡久不作史籀亦已塵古學既凋喪古制遂沉湮文

繁世愈降作者日維新春蛇復秋蜺萋蘭何足珍有美

困學士運筆如有神翰墨盈海內聲華重儒紳悠悠百

年後繼之更何人開卷撫遺跡黯然忽悲辛商敦與周

鼎此器誰為陳圖書道如在會見風俗淳

冬至會彭敷五宅詠史分得余忠宣

米田將北轅元祚日以衰豺虎忽邁患江淮遂紛披偉哉青陽公毅然振蕃維孤城扼勅敵白日蔽旌麾小大數百戰征袍血淋漓豈論天道還矢死志靡移援絕城亦陷長號赴清漪妻子及賓客矢心相追隨亦有帳下士隕首甘如飴憶昔勤武備猶能事文詞轅門罷攻守朝夕談書詩遂使忠義心不以喪亂移江水嗚咽流幽魂渺何之至今舒州城獨有忠節祠

欽定四庫全書

青箱漫稿

卷一

答李賓之見寄

結客少年場調調日追逐如何伐木詩雅韻竟難續緬懷金石交仰止聖賢躅直諫資麗澤燕辟承恥辱所以善道之詎云惜忠告吾生已壯齒沉冥尚幽谷譬之百疾攻良藥久未服端居發深省愴然抱慚慙昨感吾子言一一道衷曲豈同心背負甘為手翻覆膏肓托砭箴茅塞藉鉏耨願言堅此盟吾志當共勗

愚軒為高都憲

時沈侍御來致意

客從江南來遺我愚公書盛德每韜晦深藏匪中虛知巧紛以屏直行恥乖紆永懷心齋人雅志遵聖途默識諒亦早允踐乃良圖願起九原下執鞭與為徒寥寥千古意此道今何如

輓楊茂都閭

神劍出歐冶勁利久超羣歲筵百寶裝錯落七星文倚天發寒采鳴匣祛妖氛一動蛟龍驚再鼓霄漢分往隨明主用纍纍建奇勛一朝隨變化高飛入青雲遂令千載下獨有名相聞長歌撫遺迹佇立悲斜曛神物渺何許嗟哉楊將軍

欽定四庫全書

青箱漫稿

卷一

效古意一首與王遜之秀才謝答誨言兼致別意

故人北方來贈我錦繡段繚繞芝蘭光蕤蕤華采爛豈獨佩服佳亦足奉娛玩我欲裁為裳衣冠並輝煥踟躕下刀尺割裂畏譏彈藉以紫雲綃置之青玉案珍重不敢狎日夕起深憚感此無以報執別倚增歎高情託金

石雅誼薄雲漢所以十年心不假一詞贊征車難久留
搏沙聚而散忠告日已疏叢責詎能追及時期努力敢
以汙清貫臨歧意無窮引領令人惋

警菴

聖警日以新賢警日以省動警泛應時靜警獨知境好
惡警沉溺取予警偏秉言行警而飭衣冠警斯整人生
貴警厲弗警欲易逞詎云警其外能警心迺靖惟修知
警者箴警心耿耿我勒警菴銘朝夕眎為警

欽定四庫全書

青箱漢稿
卷一

三十一

送劉都閫景昌西征

桓桓羆虎羣見此劉將軍敢戰衆莫敵勇力時所聞從
征二十載巍然樹高勲腰間千金劍手中七星文摩挲
冰雪寒揮擢日月昏携之向西極願言靜妖氛遠涉青海
波近躡玉關雲壯遊方在茲破敵何足云

古意一首送曲阜三氏學錄公璜赴任

客從孔林來遺我楷木杖雲文紆欲騰虬髯迄相向重
是聖門物操執不敢放平生藉扶持履險若夷曠我聞

植根地枝葉紛以暢磅礴千載餘挺拔層霄上小用豈
其宜斤斧來俗匠疇能事栽培但恐日凋喪成材古云
難珍護夙所尚懷哉孔公璜道遠不及訪微言願有託
臨風重悵悵

和傅曰川止酒

止酒之章深愜鄙懷不獨仰知吾兄自重之
意而愚子亦得以奉為明戒其益非淺淺矣
第恐不能以卒止其亦止其太甚可乎用是

欽定四庫全書

青箱漢稿
卷一

三十一

次韻二章一以導吾兄之飲一以戒不肖之
飲高明諒之

淵明性嗜酒未必因詩止傳君病痰熱乃在深冬裏酒
豈為君患自責固君子昨過高坡寓已報勿藥喜東風
暢春和正及病新起卷冊未忘倦尊疊尚可理苟非沉
酒失數酌亦由已醒然坐終日於君亦迂矣朝下北門
直竚望西江溪客中且為樂誰能閱千祀

流水本無窮遇坎亦須止人非江海量獨事深杯裏昨